



Pou Piblikasyon Imedya: 03/08/2023

GOUVÈNÈ KATHY HOCHUL

GOUVÈNÈ HOCHUL ANONSE 108 MILYON DOLA POU LEKÒL YO FÈ FAS A PÈT APRANTISAJ AKÒZ PANDEMI AN AK SIPÒTE SANTE MANTAL

Etabli Sibvansyon Pwogram Rekiperasyon nan Lekòl apre COVID

100 milyon dola pou kreye oswa elaji pwogram yo pou ede elèv yo fè fas a twomatis pandemi COVID-19 la

8.3 milyon dola pou kreye ak sipòte nouveau klinik sante mantal nan lekòl

Fè avanse priyorite ajanda sou Eta Leta Gouvènè a pou elaji sipò sante mantal

Gouvènè Kathy Hochul te anonse jodi a 108 milyon dola disponib pou distri lekòl yo pou sipòte byenno. Ñòt elèv yo gras a agrandisman sipò sante mantal yo. Nouvo fon korespondan Eta a, 100 milyon dola pou Pwogram Rekiperasyon nan Lekòl apre COVID, pral bay finansman pou kreye oswa elaji pwogram yo pou ede elèv yo fè fas a twomatis ke pandemi an te lakòz, nan priyorize distri lekòl ki gen pi gwo bezwen yo. Anplis de sa, yon pati nan 100 milyon dola pou Pwogram Rekiperasyon nan Lekòl apre COVID la disponib pou adrese pèt aprantisaj elèv yo ke pandemi an te agrave. Gouvènè Hochul ap agrandi tou klinik sante mantal ki baze nan lekòl atravè eta a gras a yon envestisman 8.3 milyon dola nan plan istorik 1 milya a li pou sante mantal. Anons finansman jodi a fè avanse youn nan priyorite ajanda Eta Leta Gouvènè Hochul pou ogmante sipò sante mantal pou elèv yo ak anplwaye lekòl yo.

"Efè pandemi an sou elèv nou yo te devastatè ak irevokab - se poutèt sa n ap fè envestisman istorik pou adrese pèt aprantisaj ak elaji sipò sante mantal nan lekòl nou yo", **Gouvènè Hochul te deklare.** "Nan detèmine kote elèv yo te gen reta ak nan founi yo resous sante mantal yo bezwen yo, finansman sa a pral ede tounen mete elèv New York yo sou wout pou yo reyisi".

Distri lekòl endividiyèl yo oswa BOCES, yon konsòsyòm distri lekòl yo oswa BOCES, oswa nenpòt konbinezon antite sa yo ka aplike pou sibvansyon Pwogram Rekiperasyon Sante Mantal nan Lekòl apre COVID (Recover from COVID School Program, RECOVS) ak Sibvansyon RECOVS pou Pèt Aprantisaj. Gen yon total 100 milyon dola nan finansman ki disponib pou sipòte sibvansyon RECOVS sa yo.

Objektif **Sibvansyon RECOVS pou Sante Mantal** yo bay distri lekòl yo ak aplikan BOCES yo misyon pou:

1. Elaji aksè elèv yo a pwofesyonèl sante mantal ki nan lekòl, entèvansyon, pwogramasyon, sèvis, sipò ak pratik ki baze sou prèv ak enfòme avèk prèv ki ankouraje sante mantal ak byennèt
2. Amelyore kapasite pou anplwaye lekòl yo ak elèv yo idantifye pwoblèm sante mantal epi ogmante konpòtman k ap chèche èd
3. Mete anplas yon varyete entèvansyon ak pratik sante mantal ki baze sou prèv ak ki enfòme avèk prèv ki baze sou lekòl la, ki konsidere kilti, lang, ak twomatis pandan y ap ankouraje divèsite, ekite, ak enklizyon elèv
4. Asire estabilite finansye ak kontinyasyon aksè elèv yo nan entèvansyon sante mantal ki baze sou prèv ak enfòme avèk prèv nan lekòl, sèvis pwogram yo, ak sipò ki ale pi lwen pase dezyèm ak dènye ane Pwogram Sibvansyon Sante Mantal RECOVS la

Objektif **Sibvansyon RECOVS pou Pèt Aprantisaj** la bay distri lekòl yo ak aplikan BOCES yo misyon pou:

1. Elaji aksè elèv yo a pwofesyonèl rekiperasyon akademik, entèvansyon, pwogramasyon, sèvis, sipò ak pratik ki baze sou prèv ak enfòme avèk prèv ki favorab ki anpeche pèt aprantisaj
2. Amelyore kapasite pou anplwaye lekòl la ak elèv yo idantifye pèt aprantisaj, epi ogmante dinamis ak konpetans elèv yo ak anplwaye yo nan chèche, resevwa, ak bay sipò pou rekiperasyon akademik
3. Aplike yon varyete pratik pou pèt aprantisaj ak rekiperasyon akademik nan lekòl ki baze sou prèv ak enfòme avèk prèv ki konsidere kilti, lang ak twomatis pandan y ap ankouraje divèsit, ekite, ak enklizyon elèv
4. Asire estabilite finansye ak kontinyasyon opòtinite rekiperasyon akademik ki baze sou prèv ak enfòme avèk prèv nan lekòl pou elèv k ap kontyne fè eksperyans pèt aprantisaj apre dezyèm ak dènye ane Pwogram Sibvansyon Pèt Aprantisaj RECOVS la

Finansman an pral bay sou de ane (50 milyon dola chak ane). Yo dwe soumèt aplikasyon yo jiska 18 out 2023, a 5pm. N ap jwenn plis enfòmasyon ak detay sou aplikasyon an [isit la](#). Finansman pou RECOVS yo te enkli nan bidjè Eta New York ki te adopte pou ane fiskal 2022-2023 Eta a.

Anplis de sa, gen 8.3 milyon dola ki disponib pou sibvansyon pou kreye klinik sante mantal nan lekòl yo. Biwo Sante Mantal Eta New York (Office of Mental Health, OMH) jodi a te pibliye yon Demann pou Aplikasyon pou bay jiska 25,000 dola nan depans demaraj pou founisè ki gen lisans OMH pou kreye nouvo satelit klinik sante mantal ki nan lekòl yo epi pou sipòte satelit klinik sante mantal nan lekòl ki fèk etabli. Yon lòt 20,000 dola (45,000 dola total) ap disponib pou klinik yo k ap etabli nan distri ki gen gwo bezwen kote plis pase 50 pouzan elèv yo defavorize ekonomikman. Yo dwe soumèt

aplikasyon yo jiska 5 oktòb 2023, a 1pm. N ap jwenn plis enfòmasyon ak detay sou aplikasyon an [isit la](#).

Nan kòmansman ane sa a, Gouvènè Hochul te mande OMH ak Biwo Sèvis Timoun ak Fanmi (Office of Children and Family Services, OCFS) pou yo fè yon [Toune Ekout sou Sante Mantal Jèn yo](#) nan tout eta a pou resevwa opinyon dirèk elèv lekòl premye sik segondè ak segondè yo sou fason lekòl yo ka pi byen ankouraje byennèt elèv yo.

OMH ak OCFS te konpile enfòmasyon yo te rasanble pandan Toune Ekout la epi yo te prezante yon [rapò bay Gouvènè a](#) sou konklizyon yo. Elèv yo, paran yo, moun k ap bay swen yo ak defansè sante mantal yo te souvan mansyone klinik sante mantal nan lekòl yo pandan seyans ekout yo kòm yon fason pou ede jèn ki gen pwoblèm sante mantal. Gouvènè a te pibliye rapò a pandan premye [Somè Eta New York sou Sante Mantal Jèn yo](#) kote plis pase 1,000 pwofesyonèl sante mantal, defansè ak lòt pati konsènne te patisipe.

Bidjè ane fiskal 2024 la bay lekòl New York yo 34.5 milya dola istorik, pi wo nivo èd Eta a nan listwa, pou ede bay chak elèv zouti pou yo reyisi atravè yon edikasyon ki gen bon jan kalite. Bidjè 2024 la bay 30 milyon dola pou devlope sèvis sante mantal pou timoun ki nan laj lekòl nan tout eta a, ki genyen ladan I 20 milyon dola pou sèvis sante mantal ki baze nan lekòl ak 10 milyon dola pou mete anplas sèvis fòmasyon ki apwopriye. Bidjè a tou fèmen twou vid ki genyen nan kouvèti asirans ki te poze yon baryè pou Nouyòkè yo ki bezwen sèvis swen sante mantal ak pwoblèm utilizasyon sibstans. Pami plizyè chanjman enpòtan ki endike nan bidjè a, plan asirans komèsyal yo pral gen obligasyon pou kouvri sèvis yo bay nan klinik sante mantal ki nan lekòl yo.

Doktè Ann Sullivan, ki se Komisè Biwo Sante Mantal nan Eta New York, te deklare, "OMH te devlope plis pase 1,000 klinik sante mantal nan lekòl atravè eta a jiska prezan, e envestisman sa a kontinye angajman nou anvè jèn Eta New York yo. Bay sèvis dirèkteman nan lekòl yo ogmante aksè, ankouraje swen kowòdone, epi ede diminye estigmatizasyon, tout bagay sa yo mennen nan pi bon rezulta sante pou jèn yo. Gouvènè Hochul te inisyé yon plan odasye ki pral sipòte ak amelyore sante mantal ak byennèt tout Nouyòkè yo, espesyalman pou timoun, jèn ak fanmi ki ap fè fas a pi gwo defi pase anvan".

Komisè Depatman Edikasyon Eta New York la, Betty A. Rosa, te deklare, "An patenarya ak Gouvènè Hochul, sibvansyon sa yo pral konplete efò ki deja fèt nan lekòl nou yo pou abòde twomatis ki gen rapò ak pandemi an epi satisfè bezwen elèv ki toujou ap lite ak pwoblèm akademik, prezans, ak sante mantal. Eksperyans twomatik ka afekte toutaspè nan aprantisaj. Chak timoun merite aksè a yon edikasyon de kalite epi lajan sa yo pral pèmèt edikatè nou bay sipò a elèv yo ke pandemi an pi afekte.

Rektè Konsèy Administrasyon Eta New York la, Lester W. Young, Jr., te deklare, "Nou te fè anpil wout depi pandemi an te kòmanse; sepandan, efè alontèm COVID la kontinye, sitou pamie elèv ki pi vilnerab nou yo. Finansman sa a pral pèmèt lekòl yo ak distri yo adrese byennèt elèv yo epi ranfòse estrateji koneksyon lekòl yo pou konbat

advèsite pandemi an te lakòz. Nan travay avèk Gouvènè a ak patnè gouvènman eta nou yo, nou ka bay resous pou timoun yo, fanmi yo ak kominote lekòl ki pi bezwen yo".

Senatè Eta a Shelley Mayer, te deklare, "Mwen kontan anpil paske avèk sipò Gouvènè Hochul, kòlèg Sena mwen yo ak mwen menm, nou te kapab deziyen 100 milyon dola nan finansman pou lekòl yo abòde pèt aprantisaj elèv yo ak pwoblèm sante mantal nan bidjè eta ane pase a atravè pwogram RECOVS la. Avèk anons finansman sa a, kounye a nou kòmanse abòde defi sa yo dirèkteman epi bay lekòl yo resous yo bezwen dezespereman. Gen prèv anpirik klè ke pandemi COVID te enpoze gwo pèt aprantisaj ak difikilte emosyonèl pou elèv New York yo, kòm yon rezulta entèripsyon nan aprantisaj ak devlopman sosyal/emosyonèl. Kounye a, avèk opòtinite pou jwenn aksè nan fon sa yo, nou ka chanje bagay yo epi adrese gwo defi sa yo nan ane k ap vini an. Mwen aplodi Gouvènè Kathy Hochul, Depatman Edikasyon Eta New York la, ak kòlèg lejislatif mwen yo paske yo mete finansman sa a disponib, pou elèv New York yo ka rekipere apre pandemi an avèk resous yo bezwen ak merite".

Manm Asanble Michael R. Benedetto te deklare, "Tout etid yo montre elèv yo nan Eta New York te soufri gwo pèt aprantisaj ak twomatis emosyonèl akòz pandemi COVID la. Mwen felisite Gouvènè Hochul paske I rekonèt pwoblèm sa yo ak angaje lajan ki nesesè yo pou kreye oswa agrandi pwogram pou konpanse pwoblèm aprantisaj ak sante mantal ki te rive nan lekòl nou yo".

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418